

Für die Arbeit.

45

im Löwen / vnd der Mond new ist / an einem Sonntag / wann die Sonn auffgehet / die Hand muß mit einem Tüchlin verdeckt sein. Die Wurzel dörre am Lufft / fasse sie in Gold / vnd trags am blossen Hals.

Oder.

Nim von einem Wolff das recht Aug / von einer Wölfin das linke / laß durr werden / henck's dem Kranken an Hals / vnd laß jhn ohngefährlich i. viertheil jars oder x. Wochen tragen / vnd daß er sich nicht bade oder neze. Brauch dem Man das rechte / dem Weib das linke Aug. Ist probiert.

Für die schwere Krankheit.

Wa du Holder vnd Weidenbaum in einander gewachsen findest / darauf mach ein Creuz / henck's an Hals / das wirdt gar hoch gerhümpt.

Für die schwere Krankheit.

Nim rote Händerdarm so im Junio, Julio, oder Augusto gebrochen worden / in der Stund / wann der Mon in neuen Schein treten will / machs in ein seidenes Tüchlin / einer Hand breit / henck's dem Menschen an Hals / vnd laß jhn etlich Wochen immer am Hals tragen. Ist sehr bewehrt. Wann jhn die Krankheit ankommen will / so gib's ihm in die Hand / vnd henck's ihm hernach wider an Hals.

Dom Schlag.

Für den Schlag.

Im guten weissen Augstein j. Lot / vnd j. quintlin Species rum Diarrhodon Abbatis / stoff klein / vnd menge es durch einander / behalts in einem reinen hülzin Bücholin. Vnd den nächsten Tag / nach dem das neue Etecht an Himmel kommt / nim einer Haselnus groß / in einem Löffel vol schwartz Kirschenwasser / morgens nächtern ein / so bist du ein Monat sicher

3 iii vor

55 Für den Schlag.

vor diser Krankheit. Wann du es einnimbst / so faste allweg zwei Stund darauff. Das schwarze Kirschenwasser soll von schwarzen süßen Waldkirschen gebrennt werden (alle Zier / dann es länger nicht gue) sampt den zerstoßnen Steinen. Und so einen die obgemeldte Krankheit anstieß / soll man im dis Puluer auch eingeben wie obstehet.

Vsus.

Wann ein Menschen der Schlag rhürt / so gib ihm des wassers ein halben Löffel vol / auff das nechste / so kompe er wider ohn alle sorg / vnd gewirt ihm am Leben nicht. Auch drey oder vier Tropffen des wassers alle Tag eingenommen / verhüt vor dem Schlag. Doch soll man es mit Wachs / vnd sonst wol ver machen/ damit es nicht verieche.

Ein gewisse bewehrte Arzney zur stärckung des Haupts/
wider den Schlag.

Nim Salben / v. Hand vol / was einer in einer Hand beschliessen mag / Lauander z. Hand vol / Bibergeil z. Pfund / alles auffs kleinst zerhackt vnd zerstossen / balsi es in einem wol ver machten Glas / in ij. Maß des folgenden Elaretweins / vnd einer Maß guten starcken / offt distillierten Branntenweins / xiiij. tag lang/ brenns dann auffs fleissigst durch ein Glashut. Von diesem Wasser nim ij. Löffel vol vnder viii. Löffel vol guten weissen Wein/ trinck's morgens im Bett warm / oder doch wol vberschlagen / lig z. Stund oder länger darauff still / vñ so gleich ein Schwish darauff folgt / bringt es kein gefahr. Wann du auffstehest / so las dir die Schultern / vnd hinden vom Gnick herfür / bis auff die Achseln / vnd die Arm/bis auff die Händ herfür mit warmen Tüchern wol reiben/bis gleich die Haut rot würdt / und dann mit dem gemeldten Wasser schmieren / das stärckt vnd reinigt das Haupte / vnd die Glider: (doch soll der Leib zuvor wol gereinigt/gute Ordnung vnd Mässigkeit im essen vnd trincken gehalten werden / vnd des reibens nicht zuviel sein.) Den Elaretwein mach also: Nim Pariser

Für den Schlag.

Körner kein quintlin / Cardomömlin j. Lot / Eubeben ij. quintlin /
Muscatnus j. Lot / Imber / Fenchelsamen / Kummich / jedes ein
Lot / weissen Zucker ein Dierling. Diese stück sollen alle zerstossen
sein / dar an geuß ij. mas Wein / laß j. tag vnd j. nacht stehen in ei-
ner Kannen / dann laß durch ein weissen wullin Sack / ij. oder ij.
mal durchlauffen / biß es lautter würde. Das obgemeldt brennte
Wasser / soll man in der Wochen nur ij. mal brauchen. Ich wolte
lieber das Wasser allein ohn den Wein brauchen / vnd j. Löffel vol
auff einmal gnug sein lassen / es were dann bey so alten Leutten
vnd zu Winters zeitten.

Für den Schlag.

Nim Muscatnusol j. quintlin / gelben Zitwan ein scheiblin /
des besten Bisems ij. guter Grän / Spickenöl ij. Tropffen / wa-
es gar nicht darnach reucht / so thue noch ein Tropffen darzu / mi-
sche es vnder einander. Wann ein der Schlag rhürt / so nim so vil /
als ein kleine Linsen / Thu es in den vnderschid der Nasen. Wer
sich aber darior besorgt / der streichs inwendig auff die Hand / vnd
rühr daran / oder in die Nasen / sonderlich wann ihm die Nasen
verstopft werc.

Meyenblümleinwasser für den Schlag.

Nim abgezopfste Meyenblümlein j. Pfund / thu es in ein saur-
bere Kannen / geuß ij. mas gutes Brenntweins daran / laß wol
verdeckt ungefährlich ij. Wochen stehen / brenn es auff bey zunem-
mendem Mond. Desselbigen Brenntenweins nim alle Wochen
einmal nüchtern / als vil / als in eine kleine Nusschalen gehet: Das
mag man auch dem / so schon gerhürt worden / eingeben. Ist sehr
bewehrt. Etliche brennen nicht wider / vnd brauchens dannocht /
wicerstigemeldt / mit nutzen.

Ein bewehrte Kunst für den Schlag.

Nim abgezopfste Meyenblümlein ein Viertelkannen vol / die
doch nicht eingetrückt seien / geuß daran des besten Weins / als

Malvas

Maluasier / iiiij. theil / vnd j.-theil guten Brennenwein / Läß also ver macht stehen iiii. Wochen / darnach brenns auf in einem Brennhut / Thue darzu Muscatblüt / Zimmetröhrlein / jedes ij. quintlin / langen Pfesser iiii. Zäpplein / Genchelij. Lot / Lauanderblüt ij. Händ vol / Läß es alles an einander waichen iiii. Wochen an der Sonnen in einem Glas / brennes dann wider auf / gar kül. Das erst / das herab gehet / das ist das best / das thue besonder in ein Glas / das letzt behalt auch besonder.

Ein köstlich Wasser für den Schlag vnd schwere Krankheit.

Nim Meyenblümlin viij. Hand vol / thue sie in ein Glas / oder zinne Kannen / geuß darüber j. maß weissen Wein / der wol stark seie / laß es v. Tag / oder länger / an einander waichen / rhürs wol durch einander alle tag. Daruon nim hernach das dritte theil / thue es in ein Brennhut / vnd lasse es langsam aufbrennen. Dann nim Lauanderblumen ij. Händ vol / Rosmarinblätj. Hand vol / Spicanardijs. Hand vol / Negelin ij. quintlin / Cardombömlin ein quintlin / Muscatnus ij. quintlin / Eichenmistelij. quintlin / vnd der Wurzen von roten Veningenrosen ij. quintlin / die Gewürz zerstöß groblecht / die Wurzel zer spalt / mischs durch einander / vnd geuß das distillierte wasser darüber von den Meyenblümlin / alles sampt in ein Glas / oder Kannen / laß wol ver macht an der Sonnen stehen viij. tag / rhürs oft vmb / dann distilliers alles mit einander gar langsam in balneo Marie / so ist es volkostenlich bereit.

Ein Wasser für den Schlag.

Nim iiii. Kopf Meyenblümlin / geuß iiii. Maß Reinschen Weins darauff / vnd laß xiiij. tag in einem Keller stehen / darnach distilliers / vnd thue darzu Zisterinden iiii. Lot / Negelin iiii. quintlin / Muscatblumen j. Lot / Eubeben j. Lot / Cardombömlin / Imber / Saffran / jedes j. Lot / Galgane / Bitwan / jedes j. Lot. Diese stück stöß alle klein / thue sie in das gedistilliert wasser / vñ laß stehen / bis die Lauanderblüft herzu kommt / der sollt du ein Maß Kannen vol

Für den Schlag.

49

vol darein thun/ vnd ein halb Kopfen Spicamardiblumen/ die ha-
cke klein / thue es in ein Krug / laß iiiij. Wochen an der Sonnen stie-
hen / darnach geuß von der Würz / vnd distilliers / vnd so es ge-
brannt ist / so geuß wider auff die Würz / vnd streiff j. Maß Linden-
blust darein / vnd brennis noch einmal / so iſts gerecht.

Ein gut Wasser für den Schlag / von deren von
Hohenlohe.

Nim Meyenblümlin ij. Pfund / Lauanderblumen j. Pfund /
Lindenblust / Beningenblust / Beningenwurs / jedes iiiij. Lot / Oster-
lucy / Braunbethonienblätter / jedes ij. Lot / vnd iiiij. Lot grün Eis-
chenmischel / im abnemen des Monds gebrochen / Bibergeil / gemeis-
nen schwarzen Pfeffer / jedes j. Lot / Eubeben / Weissenbethonien-
blätter / jedes ij. Lot / zerschneide es alles klein / vnd zerstöß groblech /
geuß daran ij. Maß des besten Rheinischen Weins / mach die Rän-
ten vest zu / vnd laß ein ganzen Monat an der warmen Sonnen
stiehen / vnd waichen / hernach distilliers mit sanffter ringer His / be-
halts in ein Glas / wol vermach. Daruon gibt man dem / so sich
besorge / in der Wochen v. oder vi. Löffel vol / zu vnderschidlichen
malen / morgens vnd abends: Und in der Gicht / wann es eins ver-
lassen hat / j. Löffel vol / zu vnderschidlichen malen / je über den an-
dern tag / morgens nüchtern j. Löffel vol oder ij.

Aqua vita für den Schlag / Moysis Iudæi von
Frankfurt.

Nim ein guten Capaunen / der erfleckt vnd beropft / aber nicht
gebrühet sey / schneid die Feistin sauber daruon / laß ihne ein wenig
zuvor sieden / leg ihn zerhackt vnd zerquescht in ein silberine Kann-
ten / geuß daran Maluasier j. Maß / Maioran vnd Balsamwas-
ser / jedes ein viertheil in einer Maß / laß zugedeckt in einem Kef-
sel vol siedheiß Wassers ein dritten theil einsieden. Darnach legs
in ein Brennzeug / vnd thue in Kolben darzu: Zimmet / Negelin /
Galgant / Imber / Muscatblüt / jedes iiiij. Lot / grob gepulvert / Mus-
catnus der besten iiiij. an der Zal / schwarzen vnd langen Pfeffer /

G

Eubes

Für den Schlag.

Eubeben / Cardomömlin / jedes j. Lot / Parisköerner iiiij. Quintlin /
Beningenkörner / Beningenwurz / jedes j. Lot / Coriander / Einst
Fenchel / Sileris montani / jedes anderthalb Lot / ligni Aloës siben
quintlin / Rosmarinblüt / Maorian die obern Knöpff / Meyens
blümlin / Schlüsselblumen / Ochsenzungenblumen / Melissen / die
obern Knöpff daruon / jedes ein Hand vol / Balsam iiiij. Händ vol /
Bibenellwurzen / Diptamwurzen / jedes iiij. Lot / Brunnenkressen
iiij. Lot / Baldrian fünff quintlin / Zucker j. Pfund. Alles grob ges
pulvert / zerquetscht vnd zerschnitten / vnd mit einer Maß Brenn
wein vermischt. Auch ii. oder iii. gute guldin Reiten / oder sonst
gut Gold darein thun / vnd ein Monat lang putrificieren lassen /
darnach distilliert / darnach ein zeitlang Bismar darein gehencet /
zu mehrer öffnung des Haupt. Hiermit vnd mit obgeschribnem
Rezeptuier ist Graff Eberhart von Königstein der lebt / durch
obgedachten Inden zu Frankfurt curiert / vnd erhalten worden /
nach dem er hart vom Schlag gehört worden / das er gesund wor
den / vnd am Schlag nicht gestorben ist.

Ein gut Wasser für den Schlag vnd Melancholy.

Nim vij. Maß Muscatellmaluasier / distillier ihne in balneo
Marie / vnd in dem aufgegangnen zertreib Sperma Ceti, Ambra
der besten / gute Rhabarbara / jedes j. Lot / vnd j. scrupel gutes Bi
sems / alles auffs reiniest / Daruon brauch abends vnd morgens ein
zimlichen Löffel vol.

Ein trefflich gut Wasser für den Schwindel / Schlag /
vnd schwere Krautheit.

Nim der schwarzen fassen Waldkirschen / stoss mit Schalen
vnd Kern gar wol / wann dann der Mon im abnemen ist / so nim
iiij. Kanten vol in ein Krug / darzu thue fünff Händ vol abgespreisse
te Lauanderblumen / j. Lot gefüllten Eichimistel / vnd ii. Lot weiss
en Senff. Vermach den Krug gar wol / grab ihn in einen Kel
ler xxx. Tag lang: Darnach distilliers / so gibts ein klar Wasser:
Daruon

Für den Schlag.

51

Daruon gib dem/den der Schlag getroffen hat/ abends vnd morgens ein zimelichs Trüncklin / mit ein wenig Pfersichsteinlinne in. Für die schwere Krankeit / gib abends vnd morgens ij. Löffel v. ol ein/mit Rosmarinblumen/oder Beningenwurz/für den Schwirzel ein Löffel vol.

Aqua vita wider den Schlag vnd das Vergicht/
auch schwächin der Nerven.

Nim Salbeyblätter vnd Blumen/ jedes xij. lot / Spicauars diblumen / Lauanderblumen / Rautenblätter / Rosmarin / Boleyn / jedes iiij. Lot / Muscatinus / Muscatblüt / Imber / Zimmet / Negelein / Pariskörner / ligni Aloës / Cubeben / Nigellensamen / Acori Alexandrini , Anacardi , Coriand. præparati , Spicæ Celticæ , Citrinatschelffen/ jedes ii. Lot / Bisem vnd Ambra / jedes j. scrupel. Berstoss alles groblecht / thu es zusammen in ein Alembic / geusdaran ij. Maß guts Aqua vita, das von Maluaster distilliert ist / setz ein blinden Helm darauff / vermachs wol / lasj viii. tag in einer gleichen wärmin stehien/ an der Sonnen/ oder in Rosmirst / hernach distilliers in balneo Maria. Das erst Wasser behalt besonder/dann es ist das best/ das ander vnund lett behalt bey einander in einem Glas/wol ver macht. Es ist auch gut in Herzschwächen/ein wenig einzunemen.

Ein ander Aqua vita darzu.

Nim Lauander ij. lot / Maioran vnd Bethonica/ jedes ij. Lot / Salben / Rauten / jedes j. Lot / Rosmarin j. Lot / Stoh ein wenig/ thu es in ein Alembic/ vnd geusdaran den stärkesten Wein/ so du haben magst/daz er darüber gehe / lasj viii. tag an der Sonnen stehien/ vnd thüe darzu ein Pomeranzen / vnund ein Citronen/ lasj mit einander beissen/ vnund distilliers dann per Alembicum. Daruon gib dem/den der Schlag gerhürt / ein wenig ein/ vnund reib ihm den Rückgrat ab damit/desgleichen auch die Zungen.

G ij

Ein

Für den Schlag.

Ein sehr kostlich vil bewehrt Wasser für den Schlag.

Nim Wachholderbeer vj. Lot / Zimmetrinden / Galgant / jedes ij. Lot / Saffran j. quintlin / Lauander vnd Salben / jedes ein Hand vol / Pul. electuarij de gemmis, Pul. diacastorei (findet man beyde in den Apotheken) jedes ij. quintlin / gelbe Senfförner vnd Pfer-
sichferner / jedes ein halb Lot / machs alles klein / doch jedes in son-
derheit / thu es in ein Gefäß / vnd geuß iij. gute Nössel guten recht-
geschaffnen Brennenwein darüber / der dreymal gedistilliert ist /
sehe es iij. Wochen an die Sonnen / oder auff ein warmen Ofen /
darnach distilliers durch ein gläsin Helm / vnd nim alle morgen
zwen Löffel voll / mit Wachholderbeer / oder mit geroschtem Brot /
so bistu durch Gottes hülff xxvij. stund sicher vor dem Schlag.

Ein ander kostlich Aqua vitae für den Schlag.

Nim Zimmet iij. Lot / Imber ij. Lot / Negelin / Muscatinus /
Paradiskörner / jedes ein Lot / ligni Aloës, langen Pfesser / Mu-
scatblüt / jedes ein halb Lot / Salbenblätter ein pfund / Cardamom-
lin / Mastix / Cubeben / Galgant / jedes iij. quintlin / rot Rosenblätter
ein halb Lot / Seerblumen ein Lot / Citronenschelfen anderthalb lot /
gescheelte Lorbeer / Stoechados Arabicæ / jedes ein Lot / Rosmarin /
Maioran / Lauander / Melissen / Bethonica / jedes anderthalb
Händ vol / Rauten ein Hand vol / Spica / Vibergeil / jedes ein
quintlin. Was zustossen ist / das stok / thu es zusammen in ein Allem-
bic / schütt daran Aqua vitae auf Maluasier distilliert / vier Maß /
vermachs wol/laß xij. tag an einer wärmin stehen / darnach distil-
liers per balneum / thu es alles zusammen in ein schöns saubers
Glas / vnd henc in einem Tüchlin Bisam vnd Ambra / jedes j.
Scrupel darein behalts also wol vermachst.

Ein gut Zimmetwasser für den
Schlag.

Nim viij. Lot Zimmet / groblecht zerstoßen / thu es in ein glä-
sin

Für den Schlag.

53

in Kolben/ geuß ein halb Maß guten weissen Wein / vnd ein halb
Maß gut frisch Brunnenwasser darüber / verkleib das Glas wol/
laß iiii. tag stehen/darnach setz es in Brennzeug / doch das das Was-
ser law/vn nicht gar heissen/damit es sietlich distilliere. Dih Was-
sers/oder auch nur des Wassers von den süßen schwarzen Wald-
firschen/alle morgen ein Löffel vol getruncken/vnd zweinzig Körn-
lin vtzuckerte weissen Senffsamen geessen/ darauf iij. stund gefaß-
set/sichert den Menschen xxiiij. stund vor dem Schlag.

Aqua vitae gegen den Schlag.

Nim ein wolricchenden Wein (roter wer am besten/hastu den
nicht/ so nim ein weissen) vnd brenne jhn/wie man Brennenwein
brennt/vnd wann du jhn läuterst/ so laß jhn gemach gehen/ daz er-
stemal. Wann du dessen gnug hast/ so thue jhn in ein zinn Ge-
fäß/das groß gnug seyn/ fülls ein wenig über das halb theil/darein
wirff Wecken/die von gutem weissem Meel gebachen/vn noch heiss
seien/wie sie auf dem Ofen gehen/so vil/daz sie den Brennenwein
gar an sich ziehen: Den andern tag/ leg die Weck auff den Brenn-
zeug/vnd zeuch den Brennenwein wider herüber. Nim dann vol-
gende Stück/ thu sie in steinine Krug/ jeden Krug halb voll/ lige
nichts dran/wie die Kräutter in die Krug gelegt werden/ geuß den
Brennenwein darüber/ vnd mach die Krug oben vast zu/ laß
stehen ein viertheil Jar. Darnach thu die Kräutter/samt dem
Brennenwein in ein Brennzeug/vnd brenne sie/ wie vor / mit den
Semmeln. Und seind diß die Kräuter: Basilgen/ Rauten/
Boley/rote Rosen/Maioran/Salben/Krausemünz/Spica-
nardiblumen/Lauanderblumen/Rosmarinblumen/Gamänder-
lin/Spargensamen/Bruscasamen/Enzian/Issop/capilli Vene-
tis/Centaur/je lenger je lieber/Wolgemut/Baldrian/Beyfuß/
Steinbrech/vnd Teuffels Abiß/ jedes ein Hand vol/ Bibenell/
Diptam/vnd Tormentillwurzeln/jeder zwey Lot/ zerstoß/ thu es
in die Krug/vnd geuß den Brennenwein daran/wie obgemelde.

G iij

Wann

Für den Schlag.

¶
Wann es ein viertheil Jar gestanden ist / sonim ein alten Capaunen / heint ihn auff wie ein Dieb / das kein Blut von ihm gehet / darnach roppf ihn / wie ein Gans / wasch ihn mit Wein / vnd leg ihn in ein Schüssel / vnd schneid ihn auff / thu den Kopff / die Darm / vnd Gallen von ihm. Darnach geuß ein Köppen Maluasier darüber / vnd thue es in ein grosse zinne Kannten / darzulege Galgant / Negelin / Zimmerinden / Muscatnus / jedes 3. Lot / Muscatblüt ein Lot / Zitwen / Maria / Pionien / jedes iiij. Lot / Kraussemünz / Salbey / Rosmarinblumen / jedes v. lot. Die Gewürk vnd Kräuter stoss alle klein / vnd thu sie zu dem Capaunen in den Maluasier / setze die Kannten in ein Kessel mit siedigem Wasser / wol zugemacht / das der dunst nicht heraus gehe / laß sieden iiiij. stund / das es nicht überlauff / laß den zugedeckt an einander erkalten. Darnach nim den Capaunen heraus / zerschneid vnd stoss ihn klein / mit Wein vnd allem / das thue / sampt dem darinn vnd bey er gekochte ist / in ein Brennglas / thu noch darzu ein Köppen des Brennenweins / der durch die Wecken ist abgezogen worden / distilliers wol verwahrt in einem gläsern Helm / in balneo Marie / mit sanftiem Feuer. Darnach nim / das du in den steinen Krügen hast behalten / mit Wein vnd mit allem / auch den Capaunen / sampt dem Wein / der daruon ist gedistilliert / theils in Kolbengläser / vnd distilliers abermals in balneo Marie. Darnach nim dise volgende Stück / vnd thu sie wider in die steinin Krüg / wie vor / vnd thu den gedistillierten Wein wider darüber / vnd laß vj. Wochen stehen wol verkleiben / das kein dunst daruon gehe. Die Stück seind / Imber / Negelin / Muscatnus / Muscatblüt / jedes iiiij. Lot / Zimmet / Galgant / jedes viij. Lot / langen Pfeffer ein halb Lot / schwarzen Pfeffer ij. Lot / Zitwen ij. Lot / Calmus ij. Lot / Enzian / roten / weissen / vnd gelben Sandel / jedes iiiij. lot / ligni aloës iiij. Lot / Cadamömlin / Eubeben / jedes iiij. Lot / Enis / Fenchel / jedes i. lot / Coriander iiij. lot / gelöscherte Perlin ein halb Lot / Kraussemünz v. Lot / Xylobalsami , Carpobalsami , Hirschkreuz / Pariskörner / jedes iiij. Lot / Senebleitter / kleine Rosinlin /

Für den Schlag.

55

finslin/jedes v. Lot/ Turbith j. Lot/ runde Holzwurz iij. Lot/ Sperma ceti / Zuckercandi / jedes v. Lot/ der fünfferlen Myrobalanorum , jedes iiiij. scrupel. Ein Citronenapffel zerschnitten/ iij. Lot/ Campher j. quintlin/ Bibergeit / Alexandrinischen Bisem j. Lot/ in viii. Lot Rosenwasser zerreiben/ s. Lot ambræ griseæ in viii. Lot Augentrostwasser zertriben. Darnach alles zusammen in Kolben- gläser gethon/vnd mit fleiß distilliert mit sanftem Feuer/vnd wol verkleibt / daß kein Dunst heraus gehe. Auch hütedich / daß kein Leicht oder Feuer darzu komme / dann es zündet sich an wie Büchsenpuluer/vnd behalts in Gläsern/es ist gerecht.

Für den Schlag.

Weiß Melissen in gutem alten Wein viij. tag lang im Keller/ distilliers dann/vnd laß an der Sonnen wol wider distillieren/Dar- mit mische den Wein/oder trinck je abends vnd morgens ein wenig davon.

Ein Läutergen für den Schlag.

Nim Theriac j. Lot/ Bibergeit/ Rauten/ weissen Senffsamen/ Kressigamen/jedes j. quintlin/ Beningenwurs j. quintlin/ mische es alles durch einander / Daruon soll eins morgens nüchtern in ei- nem Löffel vol weissen Weins/ einer Bonen groß zerreiben vnd innemen. Das dient auch für den Schwindel vnd andere Haupt- fluß.

Ein gut Puluer für den Schlag.

Nim überzuckerten Coriander j. Lot/ Muscatblät/ Cubeben/ Muscatnus/ Negelin/jedes j. quintlin/ Zimmet ij. quintlin/ Römis- schen Kümmrich j. quintlin/ Rosmarinblumen / Lauanderblumen/ Salbenblumen/jedes j. quintlin/ Agleysamen j. quintlin/ Eichens- mistel/ Beningenkern/ Paradisholz/ rote Corallen/jedes j. quint- lin/ roten Sandel/ gebrannt Helfßenbein/jedes j. quintlin/ Schar- lachblätter/ Braunbetherienblätter/ jed. j. quint. Bitwan/Senff/ jedes j. quintlin / stößt alles klein/ thu es zusammen/ laß durch ein Sib- lauffen/

Für den Schlag.

lauffen/thue darzu zarten weissen Zucker vj. Lot / oder mehr / nach dem man es gern süß haben will.

Ein Puluer für den Schlag.

Nim Süßholz q. Lot/weisse Senfförnlin/Hanfförnlin/je des j. Lot/Eubeblin j. Lot/vnd iij. Lot Zucker: Stoß alles klein/vnd mache ein Triget darauf. Daruon nim morgens nächtern/auff einer gebähten Schnitten/oder wie du es einbringen kannst.

Ein gute kräftige Latwergen für den Schlag.

Rec. Mithridatij boni, drach. x. Myrobal. chebul. conditor. drach. vj. Acori conditi, Conseruz Bethonicae, Rosarum, Anthos, añ. drach. ij. Seminis Paeoniae exort. rad. eiusdem, añ. drach. semis, Visci quercini. Seminis Coriandri præparati, Ligni Aloës crudi, añ. scrup. j. cum syrupo & de Stoechade, & modico aquæ rosatæ, fiat mixtura.

Von diser Latwergen soll einer zu verwahrung vnd stärkung des Hauptes/in der Wochen einmal oder ij. morgens fru/einer Bonen groß im Bett essen/ vñ mag darauff seines gefallens schlaffen/ vñ auch j. stund oder ij. darnach fasten. Da aber jemand's Schwindel im Haupt/ vñ schwachheit in Glidern befindt/ vnd sich vor dem Schlag befogret/ demselbigen soll man erstlich an der guten vnd gesunden Seiten zu Aderlassen/ vnd nach gelegenheit seiner Complexion/ij. oder iiiij. Eyerchalen vol. Darnach als bald soll er von diser Latwergen/ einer guten Welschen Nuss groß/essen/ vnd sich nider in ein Bett legen/doch nicht schlaffen/ sondern in einem verhencckten Gemachrhüwen/ deßgleichen mag er volgende tag auch thun/ so würde er mit Gottes hülff/ vor dem Schlag verwahrt/ vnd das Haupt sampt dem ganzen Leib gestärkt.

Ein anders für den Schlag.

Gib jm der Kolen/ die man an S. Johannis tag/ vor der Sonnen auffgang/ bey den Rotenbuchen vnder der Wurzel findet/ in Wein oder Lananderwasser ein.

Kräfft

Für den Schlag.

Kräfftige Zeltlin / zu verhütung der Gewalt Gottes / zu trückung
der Blüf vnd stärkung des Hamps.

57

Nim des besten gesinten Zuckers ein halb Pfund/specierum Diarrhodon abbatis ein halb quintlin/weissen ohnbalicrten Augstein/der auffz zartest/wie ein Meel/abgeriben sey iij. quintlin/weissen Senff auch also abgeriben/ iij. quintlin/ Enis oder Fenchelöl ein halb quintlin / oder an dero statt v. oder vi. Lot Aqua vitae / ganhe vngelöcherte Feinperlin/auffs kleinst abgeriben/ein halb quintlin. Den Zucker zerlaß mit schwartz Waldkirschen/ Lauander/Spiranardi/oder Rosemwasser/welches eins am liebsten darzu braucht. Khür dann die obgemelte Puluer/zuuor wol vnder einander vermischt / vnder den Zucker/vnd mach Zeltlin daraus. Wann man die noch besser / vnd auff das allerkräftigst machen will/ so soll man nachfolgende Stück auch darzu nehmen / so ist es für die flüssigste Arznen gehalten : Nembt Rubin / Smaragden / gemalen Vngerisch Gold/Corallen/ Ellendklawen: Diser Stück mag man nehmen / so vil man will. Wann ein Mensch kein leibliche Speise mehr niessen mag / so kan es mit disen Zeltlin mit der hülff Gottes also erhalten werden / bis es die Stund erreicht / die ihm von Gott verordnet ist.

Für den Schlag.

Gib ihm Brennewasser von gelben Violen ein / das hat den Wirt zu der Weissen Burg zu Alzen oft wider zu recht gebracht/ vnd ihm geholfen. Man soll aber einen/ den solche Krankheit ankompt/nicht still sitzen noch stehen lassen/ sondern vnder den Armen vmbführen/vnd auch schleissen/ ein stund oder zwei / jm auch Nießpuluer durch ein Federkiel in die Nasen blasen/ das also gemachte sey.

Nim Nießpuluer/wie es gemeinglich in der Apotecken gemacht wärde/i. Lot/ Nigellensamen/ Niehwurz/ jedes j. Scrupel/ Bisem vnd Ambra/ jedes iii. Gerstenkörner schwer/vnd Maioran/so vil der andern Stück aller sind. Diz alles gepuluer gantz klein/ vnd

H

vnder

58 Für den Schlag.

vnder einander gemischt. Und nach dem er genossen / ihm ein Aqua
vita / oder ander Wasser für den Schlag eingeben / vñ das täglich /
biß es mit dem Kranken besser würdt. Zu verhütung des Schlags /
soll man solch Puluer vmb das New / den Bruch / vnd beide vier-
theil des Monds brauchen / morgens nächtern / vñ sich mit niesen
machen / und dann des volgenden Aqua vita ein halbs Löffelin vol
einnemen / das behüt / mit der hülff Gottes / vor dem Schlag auch
die so zuvor damit behaßt gewesen.

Für den Schlag.

So eins der Schlag rhürt / so nim Methridat einer Haselnuss
vnd Bibergel einer Erbis groß / zertreibs mit Lauander / schwartz
Kirschen / wild Salben / oder Lindenblustwasser / welches du hast /
daz iiiij. Löffel vol Wassers darzu kommen / darinn nehe ein Fes-
der / bestreich im den Rachen vnd die Zungen wol darmit. Pro-
batum.

Ein anders.

Gib jme gleich ein Turteltaubenblut / j. Tropfflin vj. oder viii.
in Lindenblust / Meyenblümlin / oder schwartz Kirschenwasser.

Ein Wasser für den Schlag.

Nim edle Salbey / vnd Rauten / jedes j. Hand vol / Lauander
ij. Händ vol / Schneids klein vnder einander / thu es in ein dreymäſ-
sige Kannen / mache sie vol / vnd schütt darüber j. Maſ des besten
Weins / so du gehabt magst / Thue darzu j. Lot Bibergel / klein
zerschnitten / Läß es alles xiiij. tag beizen / vnd rhüre es alle tage eine
mal vnder einander / sihe / das die Kann beheb beschlossen sey / dar-
nach brenns auf / vñ behalts in einem wolvermachten Glas. Dar-
von streicht man dem Kranken / so getroffen worden / die Schaitel /
die Schläff / Stirnen / den Hals / die Händ vnd Puls. Oder /
schmier ihm den Wirbel oben mit gelbem Venhelol.

Für den Schlag ein bewehrte Arzney.

Wann eins der Schlag gerhürt / so nim ein Pfund Feigen/
flein

Für den Schlag.

Klein geschnitten/weissen Senff. Pfund/vnd ij. Händ vol Lauan-
derblumen. Thu es alles in ein Hasen/vnd geuß ij. Maß Wasser
daran/ auf einem fliessenden Bach genommen / deck den Hasen/
vnd verkleib ihn wol / vnd laß ihn auff das dritte theil einsieden.
Von diesem Wasser gib dem Krancken zwen Löffel vol law warm/
morgends ein stund vor essens / vnd nachts/wann er will schlaffen
gehen. Und reib ihm die lame Glider mit diesem warmen Wasser/
vom Haupt bis zu den Solen in allen Gleichen. Das ist an vilen
bewehrt/von dem von Rapoldstein. Doch ißt von noten/daz der
Leib zuvor wol gereinigt/vnd wo nichts hindert/ein Lässin auff der
gesunden seitten gebraucht worden sey/ sonst dorfft wol vbel ärger
werden.

Für den Schlag/Apophlegmatismus.

Nim Mastix/vnd Bertram/jedes ij.quintlin / weissen Im-
ber ein quintlin/verschneids groblecht/ vnd binds in ein Tuch / so
groß als ein Haselnus/ vnd kews im Mund/auff ein halbe stund/
morgends nüchtern. Das magstu in der Wochen ij.oder iiiij. mal
shun.

Für den Schlag/die Red wider zu bringen.

Nim Eselsblut von einem Mülleressel/vom Ohr/iii.tropfen/
thu es vnder ein Trunk ungesalzner Erdisbrüe / gib dem Kran-
cken ij. tag nach einander/ allweg ein kleins Gläslin voll/so kompe
ihm mit Gottes hülff die Sprach.

Wann einem die Red gelige/ daz er nicht
mehr reden kan

Nim Rosenhonig ij. theil/vnd den dritten theil gutes Brann-
ienweins / darinnen Meyenblümlein eingebetzt seien / rhürs wol
durch einander/streichs dem Zuredenden mit einer Feder auff die
Zungen/vnd mit einem Finger vnder das Kin/vnd ein wenig an
Hals hinab / vnd zu den Ohren hinauff / vnd reibs zünlich
hincin.

Für den Schlag.

Wann einen der Schlag gerhüret hat / vnd
ihm die Red gelige.

Nim Nesselsamen / reib ihm die Zungen wol darmit / so würdt
er bald wider redend.

Wann einem die Sprach aussen bleibt.

Neh ein breits düns Scheiblin / von Leibstückelwurz / in Las-
uanderwasser / legs vnter die Zungen / erfrisches alle stund / so kompt
die Sprach wider / mit der hülff Gottes.

Oder.

Nim die Rinden von Espinem Hols vnter die Zungen / so
würdt einer mit der hülff Gottes redend / wie zuvor.

Wann einem die Sprach vergehet.

Nim Rosmarinwasser / gelb Violentwasser / Poleynwasser / vnd
Lauanderwasser / vnder einander gemengt / kalt in Mund / wann es
warm würdt / so speie es auf / vnd nim ein anders ein / das thue offe-
mal im tags / es zeucht vil Schleims auf.

Für die verlorne Sprach.

Nim die Spizelin vorne von der schmalen Salben / legs in
Salbenwasser / dieselbige spizelin leg dem Krancken vnder die Zun-
gen / vnd reib die Zungen wol mit Salben / des tags vngesährlich
drey mal.

Ein anders.

Nim Lauanderblümlein / mit sampt den Knöpflein / wie sie am
Stock stehen / brenn Wasser daruon / das gib ein / dann es fast gut
ist / vnd die Rede bald wider bringt / wann mans einem bald eingibt.
Man mag auch das geschwächte Glid damit bestreichen / wann
mans zuvor iii. oder iiiij. Wochen in gutem Wein einbeizt / vnd ein
wenig Bibergeil darzu thut / würdet besser.

Für die verlorne Sprach vom Schlag.

Nim Bertram / Zimber / langen Pfeffer / jedes j. quintlin / zer-
stößt

Für den Schlag.

61

Stoß/vnd seuds in weissem Wein vnd Salbenwasser/wie ein weichs
Ey/senhe es durch/vnd thue darzu Rosenhonig/ vnd Maulbeer-
safft/jedes j. Lot/damit soll sich der Kranck offt lawlecht gurgeln/
oder vil mehr den Mund vnd die Zungen damit schwenken vnd
waschen/sonderlich morgens nüchtern.

So einer die Syrach verloren.

Nim Bolen/tuncks in Essig/ lasj ihn ein weil davon riechen/
lasj ihn auch in Mund nemem/vnd zerbeissen.

Oder.

Nim Beyrauch vnd Mastix/beyde gestossen/mache es mit
Münzensafft oder Rautenöl/Eher klar/vnd Wein an/stoß wol
vnder einander in einem Mörser/machs warm/vnd bindet es also
warm mit einem Tuch auff den Nabel/so vergehet die ohykraft/
und würde der Kranck wider redend.

Oder.

Stoß Lorbeer vnd Saffran vnder einander/seud es in Wein/
und gibts dem Menschen zutrinken.

Für die Melancholy.

Tranc zu reinigung des Melancholischen Geblüts.

Im Erdrauch ein Hand voll/Boragenblätter/Hirsch-
zungen/Tamariscen/jedes j. Händlin vol/der iiiij. Herbs-
b'ümlin ein Händlin vol/Melissenblätter/Maioran/jedes
j.quintlin/Wermut anderthalb quintlin/Oehsenzungenwurs ij.
lot/Wegwartwurs/Fenchelwurs/jeder j. lot/Benedictenwurs
j.lot/Engelsfüss ij.lot/schwarz Christwurs ij. quintlin/der Blüm-
lin Thymi j.quintlin/Myrobalan. chebulor. j. lot/Süßholz an-
derhalb lot/Zuckercandi ij.lot/kleine Weinbeerlin iiiij.lot/Zibeben/
Senetblätter/jedes ij. lot/Rhabarbara j. quintlin/Galgant ein
scrupel/Calmus j.quintlin/zerschneid die Wurzel vnd Kräuter/
thue dann alles in ein Mörser/ohn die Weinbeer/zerstoß wol/dass

H iij . thue